



# PACIFIC & ORIENT INSURANCE CO. BERHAD

No. Pendaftaran 197201000959 (12557-W)

Ahli Kumpulan Pacific & Orient

Tingkat 11, Wisma Bumi Raya, No. 10, Jalan Raja Laut, 50350 Kuala Lumpur.

P. O. Box 10953, 50730 Kuala Lumpur. Laman : [www.poi2u.com](http://www.poi2u.com)

Telefon: 03-2698 5033 Faks: 03-2693 8145 Talian Bebas Tol: 1 800 88 2121

SST Registration No./ No. CP - W10-1808-31021805

## LEMBARAN PENDEDAHAN PRODUK

(Baca Lembaran Pendedahan Produk ini sebelum anda membuat keputusan untuk mengambil Polisi Insurans Peralatan. Pastikan anda juga telah membaca terma dan syarat am.)

### Polisi Insurans Peralatan

Tarikh:

#### 1. Apakah produk ini?

Polisi ini menyediakan insurans terhadap kehilangan atau kerosakan kepada peralatan dan aksesori-aksesori dan alat-alat padanya.

Insurans ini meliputi peralatan yang boleh bergerak dan mudah alih seperti traktor, pengali, kren, foklif, jentolak, mesin Caterpilllar dan lain-lain (kenderaan yang digunakan di tapak pembinaan untuk kerja kontrak).

#### 2. Apakah perlindungan / manfaat yang disediakan?

Polisi ini meliputi kehilangan atau kerosakan kepada peralatan dan aksesori-aksesori dan alat-alat padanya yang disebabkan oleh:

- Pelanggaran atau terbalikan akibat kemalangan atau pelanggaran atau melibatkan akibat daripada kerosakan mekanikal atau akibat daripada kahausan dan kelusuhan.
- Kebakaraan, letupan luaran, pencucuhan sendiri atau petir.
- Rompakan, pecah masuk atau kecurian.

Tempoh perlindungan adalah selama satu tahun. Anda perlu memperbaharui perlindungan insurans setiap tahun.

#### 3. Berapa banyak premium yang saya perlu bayar?

Jumlah premium yang anda perlu bayar mungkin berbeza bergantung kepada jumlah yang diinsuranskan risiko terdedah dan keperluan pengunderaitan syarikat insurans.

#### 4. Apakah yuran dan caj yang saya perlu bayar?

Jenis	Jumlah
▪ Komisen yang dibayar kepada ejen insurans	▪ 10% daripada premium
▪ Duti setem	▪ RM10
▪ Cukai Perkhidmatan (CP)	▪ 6% daripada premium

#### 5. Apakah terma-terma dan syarat-syarat yang saya harus ketahui?

- Kewajipan Pendedahan:
  - a) Kontrak Insurans Pengguna
    - Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Cadangan (atau semasa memohon insurans ini). Anda dikehendaki menjawab soalan-soalan dalam Borang Cadangan ini dengan lengkap dan tepat.

- Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.
- Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.
- Sebagai tambahan kepada soalan-soalan di dalam Borang Cadangan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
- Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

b) Kontrak Insurans Komersial

- Menurut Perenggan 4(1) Jadual 9 Akta Perkhidmatan Kewangan 2013, jika anda memohon insurans ini untuk tujuan yang berkaitan dengan perdagangan, perniagaan atau profesion anda, anda berkewajipan untuk mendedahkan apa-apa perkara yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan, dan apa-apa perkara yang munasabah yang boleh dijangka, jika tidak ia boleh menyebabkan pembatalan kontrak insurans, keengganan atau pengurangan ganti rugi, perubahan terma atau penamatan kontrak insurans anda.
- Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.
- Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.

- Anda mesti pastikan borang cadangan dilengkapkan dengan tepat kerana ia merupakan asas kontrak insurans.
- Premium yang perlu dibayar mesti dibayar dan diterima oleh kami dalam tempoh 60 hari dari tarikh berkuatkuasanya polisi. Sekiranya syarat ini tidak dipatuhi maka kontrak ini dibatalkan secara automatik dan kami berhak mengenakan bayaran premium secara pro rata bagi tempoh mereka manungung risiko.
- Anda hendaklah mengambil segala langkah yang munasabah untuk menjaga keselamatan dan mengelakkan kehilangan atau kerosakan Peralatan Yang Diinsuranskan dan untuk mengekalkannya dalam keadaan yang cekap dan kami hendaklah sentiasa diberi kebebasan dan laluan penuh memeriksa peralatan atau mana-mana bahagiannya atau mana-mana pengendali atau pekerja anda.
- Sebaik sahaja berlaku sebarang kehilangan atau kerosakan yang boleh menimbulkan tuntutan di bawah polisi ini, anda hendaklah dengan serta-merta memberi notis mengenainya kepada kami dan hendaklah dalam tempoh 14 hari selepas kehilangan atau kerosakan atau dalam tempoh selanjutnya yang mungkin dibenarkan secara bertulis oleh kami menyerahkan kepada kami tuntutan terperinci secara bertulis bagi kehilangan dan kerosakan tersebut.
- Anda tidak boleh menanggung sebarang perbelanjaan untuk membaiki semula sebarang kerosakan atau kehilangan tanpa kebenaran bertulis kami dan tidak boleh merundingkan, membayar, menjelaskan, mengaku atau menolak sebarang tuntutan tanpa kebenaran bertulis kami.
- Anda mesti mematuhi dan memenuhi peraturan-peraturan, peruntukan-peruntukan, syarat-syarat, fasal dan pengendorsan polisi ini.

*Nota: Senarai ini tidak lengkap. Sila rujuk kepada kontrak polisi untuk senarai penuh terma dan syarat di bawah polisi ini.*

## 6. Apakah pengecualian utama di bawah polisi ini?

Polisi ini tidak melindungi sesetengah kerugian, seperti:

- Sebarang kehilangan atau kerosakan yang dialami:
  - (a) di luar Had Wilayah yang dinyatakan dalam Jadual;
  - (b) semasa peralatan digunakan di atas jalan raya seperti yang ditakrifkan dalam Ordinan Lalu Lintas Jalan Raya pada masa ia berkuatkuasa di Wilayah yang dinyatakan dalam Had Wilayah;
  - (c) semasa transit (termasuk proses muatan dan punggahan);

- (d) semasa peralatan dikendalikan oleh mana-mana orang yang lain daripada pengendali yang diberi kuasa seperti yang dinyatakan dalam Jadual;
  - (e) semasa peralatan digunakan dengan cara yang bukan menurut had bagi penggunaan seperti yang dinyatakan dalam Jadual;
  - (f) semasa peralatan dikendalikan oleh seorang pengendali yang diberi kuasa yang berada di bawah pengaruh arak yang memabukkan atau dadah.
- Kehilangan aksesori dan bahagian-bahagian melainkan peralatan dicuri pada waktu yang sama.

*Nota: Senarai ini tidak lengkap. Sila rujuk kepada kontrak polisi untuk senarai penuh pengecualian di bawah polisi ini.*

## 7. Bolehkah saya membatalkan polisi saya?

- Anda boleh membatalkan polisi anda pada bila-bila masa dengan memberi notis bertulis kepada kami (dengan syarat tiada tuntutan telah timbul sepanjang tempoh insurans semasa);
- Selepas pembatalan, anda layak mendapat bayaran balik premium setelah ditolak premium dikira pada kadar jangka pendek kami bagi tempoh polisi ini telah berkuatkuasa;
- Kami juga boleh membatalkan polisi ini dengan memberi anda notis 14 hari secara bertulis melalui surat berdaftar kepada alamat anda yang terakhir; dan
- Sekiranya pembatalan dibuat oleh kami, anda layak mendapat balik bayaran premium yang telah dibayar ditolak bahagian prorata bagi tempoh yang telah berkuatkuasa.

## 8. Apakah yang saya perlu lakukan jika terdapat perubahan pada butiran peribadi saya?

Ia adalah penting yang anda memaklumkan kepada kami tentang sebarang perubahan dalam butiran perhubungan anda untuk memastikan bahawa semua surat-menyurat sampai kepada anda tepat pada masanya.

## 9. Di mana saya boleh mendapatkan maklumat lanjut?

Sekiranya anda memerlukan maklumat tambahan mengenai insurans peralatan, anda boleh menghubungi kami atau mana-mana cawangan kami.

Jika anda mempunyai sebarang pertanyaan, sila hubungi kami di:

Pacific & Orient Insurance Co. Berhad  
 Tingkat 11, Wisma Bumi Raya,  
 No. 10, Jalan Raja Laut,  
 50350 Kuala Lumpur.  
 Tel : 03-2698 5033  
 Faks : 03-2693 8145  
 E-mel : [poi2u@pacific-orient.com](mailto:poi2u@pacific-orient.com)

## 10. Lain-lain jenis perlindungan insurans peralatan yang boleh didapati:

- Tiada

### **NOTA PENTING:**

**ANDA MESTI PASTIKAN PERALATAN ANDA DIINSURANSKAN PADA JUMLAH YANG BERSEKUTUAN MEMANDANGKAN IA AKAN MENJEJASKAN JUMLAH YANG BOLEH DITUNTUT. ANDA HARUS MEMBACA DAN MEMAHAMI POLISI INSURANS DAN BERBINCANG DENGAN EJEN ATAU MENGHUBUNGI TERUS SYARIKAT INSURANS UNTUK MAKLUMAT LANJUT.**

Maklumat yang diberikan dalam lembaran pendedahan ini adalah penerangan ringkas untuk rujukan cepat dan mudah. Terma-terma dan syarat-syarat tepat yang diperlukan adalah terkandung dalam kontrak polisi.

*Pacific & Orient Insurance Co. Berhad adalah dilesenkan di bawah Akta Perkhidmatan Kewangan 2013 dan dikawal oleh Bank Negara Malaysia.*

Maklumat yang diberikan dalam lembaran pendedahan ini adalah sah pada 01.01.2021.